



Broj: 01- 74/11
Vareš, 31.03. 2011. godine

Z A P I S N I K
*s 2. Tematske sjednice Općinskog vijeća Vareš,
održane 24.03. 2011. godine*

Josip Malbašić – predsjedavajući Općinskog vijeća Vareš, otvorio je 2. Tematsku sjednicu s početkom u 12,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Jelena Kuhač-Odenwald, Ešref Likić, Ivan Lučić, Josip Malbašić, Željko Matić, Mario Mirčić, Majda Muftić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema.

Pored vijećnika sjednici prisustvuju: Općinski načelnik Hamdo Fatić, tajnik Općinskog vijeća Leon Pavlović, pomoćnici općinskog načelnika, predsjednici političkih stranaka, predsjednik Udruge „Eko-Turist“ Vareš Boško Andrić i Mirko Vukančić ispred JKP d.o.o. Vareš.

Tematskoj sjednici prisustvuju predsjednici ili predstavnici Mjesnih zajednica općine Vareš i to: MZ Borovica, Brgule, Budoželje, Dabravine, Duboštica, Kadarići, Ligatići, Neprivaj, Pogar, Pržići, Ravne, Strica-Zaruđe, Striježevo, Vareš i Vijaka.

Na raspravu je stavljen prijedlog dnevnog reda iz poziva za sjednicu.

Nije bilo primjedbi i predsjedavajući je stavio na glasanje predloženi dnevni red.

Nakon izjašnjavanja vijećnika, konstatira da je **jednoglasno usvojen s l i j e d e ć i**

D n e v n i r e d

1. Zaštita okoline i provođenje Lokalnog ekološkog akcijskog/akcionog plana za općinu Vareš.

Ad 1.

(Zaštita okoline i provođenje Lokalnog ekološkog akcijskog/akcionog plana za općinu Vareš.)

Predsjedavajući OV podsjetio je prisutne na članak 66. i 69. Poslovnika o radu Općinskog vijeća Vareš – Prečišćeni tekst.

Predlagatelj nije imao dodatno obrazloženje za ovu točku dnevnog reda.

Otvorena je rasprava u kojoj su stavove, razmišljanja, sugestije, preporuke i prijedloge iznosili vijećnici: Mario Mirčić, Ismet Abdulahović, Ivan Lučić, Elvir Rožajac, Željko Matić, Mato Pavić, Kenan Kamenjaš, Jelena Zlobec, Jelena Kuhač Odenwald, Dženana Bešić, Milan Knežević, kao i predsjedavajući OV Josip Malbašić, općinski načelnik Hamdo Fatić, pomoćnik načelnika Rusmir Berberović, predsjednik Udruge „Eko – Turist“ Vareš Boško Andrić, ispred JKP d.o.o. Vareš Mirko Vukančić i predsjednik SDA Sadudin Numanović,

U raspravi su učestvovali predsjednici i predstavnici Mjesnih zajednica općine Vareš: Radoja Erić, Juro Grabovac, Ivo Mutić, Ivica Babić, Željko Matić i Tihomir Pendić.

Vijećnik Mario Mirčić mišljenja je da su u dokumentu LEAP navedeni rokovi za realizaciju projekata preambiciozno postavljeni i traži da ovlaštenu predlagatelj predloži prijedlog LEAP-a sa izmijenjenim rokovima.

Vijećnik Ismet Abdulahović podsjetio je prisutne na amandman koji je Klub BPS uložio kod predlaganja prilikom izrade LEAP-a u vezi natkrivanja autobuskih stajališta na području općine Vareš, od MZ Dabravine do zgrade Općine Vareš i iznio stav Kluba BPS u vezi prioriteta radnji koje bi se trebale realizirati na području općine Vareš.

Vijećnik Ivan Lučić podsjetio je prisutne na Odluku usvojenu od strane OV o odabiru prioriteta projekta koji bi se implementirao iz LEAP-a za općinu Vareš u kojoj je naveden projekt o uređenju gradskog područja i izrada potrebnih dokumenata za pokretanje inicijative za proglašenje dijela planine Zvijezda zaštićenim pejzažom. Smatra da su donirana sredstva u iznosu od 100.000 KM trebala biti predmet raspisanog tendera za odabir najboljeg izvođača. Skrenuo je pažnju na smeće koje se nalazi u pojedinim dijelovima grada i na uređenje zelenih površina. Mišljenja je da bi ovlaštenu predlagatelj trebao dati objašnjenje o razlogu nerealiziranih planova.

Vijećnik Elvir Rožajac smatra da bi Izvršna vlast Općine Vareš trebala organizirati akcije čišćenja grada koje bi se financirale iz sredstava namijenjenih za čišćenje i uređenje parkova.

Željko Matić kao predsjednik MZ Vijaka podsjetio je prisutne na probleme na terenu koji se odnose na uništenje šuma i puteva i traži od općinskog načelnika da pozove inspekciju koja bi otišla na teren Šimin Potok i utvrdila činjenično stanje.

Rusmir Berberović pomoćnik načelnika iznio je svoje osobno mišljenje da bi prvi neophodan korak u narednom periodu bio, da se iz LEAP-a odabere jedna ili dvije prioriteta projektne aktivnosti, a to su po njegovom mišljenju zaštita područja planine Zvijezde i rekultivacija rudnih polja.

Vijećnik Mato Pavić upozorava na ruševne objekte u gradu koji su velika prijetnja prolaznicima, posebno djeci koja svaki dan odlazeći u školu i vraćajući se nazad prolaze pored njih. Iznio je probleme u vezi: smeća koje se nalazi u pojedinim dijelovima grada, dimnjaka na osnovnim školama i Općini Vareš, povećanog intenziteta sječe šuma, lagera balvana u MZ Strica-Zaruđe itd.

Vijećnik Kenan Kamenjaš iznio je svoje lično mišljenje o dokumentu LEAP i nekim planovima navedenim u njemu i postavio je pitanje, u vezi izrade dokumenata vezanim za zaštitu planine Zvijezda, tko su stručna lica ovlaštena za izradu spomenutih dokumenata?

Vijećnica Jelena Zlobec iznijela je mišljenje pojedinih građana u vezi dijela napuknutog zemljišta oko jezera „Nula“, koje predstavlja veliku prijetnju za grad, naročito Vareš Majdan. Spomenula je problem sanacije tunela, porušenih kuća u Prnjavoru općina Vareš i misli da je krajnje vrijeme da se počne diskutirati i da se provjeri što se nalazi u tunelima u Maloj Rijeci općina Vareš, koje je SFOR 2007. godine naredio da se zabetoniraju, odnosnu ulaz u tunel.

Vijećnica Jelena Kuhač Odenwald smatra da Općinsko vijeće Vareš treba zadužiti Općinskog načelnika da firmi „Terminali“ uputi dopis u kome se traži njihovo očitovanje o tome što je uskladišteno u tunelu u Maloj Rijeci.

Radoja Erić predstavnik MZ Brgule istakao je problem oštećenih lokalnih puteva prilikom sječe i odvoza trupaca i moli nadležne da se sanira lokalni put Daštansko-Brgule.

Juro Grabovac predsjednik MZ Pržići podsjetio je prisutne na problem površinskih kopova „Brezik“ i „Veovača“ koji se odnosi na pucanje zemljišta oko njih, napominjući da u LEAP-u ne postoji program sanacije površinskih kopova. Smatra da bi se trebali odrediti prioritetni programi iz LEAP-a koji bi se mogli realizirati u narednoj godini.

Vijećnica Dženana Bešić iznijela je svoj lični stav i stav Kluba SDA. Podsjetila je prisutne na kronologiju usvajanja dokumenta LEAP i Informaciju koja je dostavljena OV od Udruge „Eko-Turist“ Vareš. Iznijela je stav u vezi financiranja projekta koji se odnosi na proglašenje planine Zvijezde zaštićenom zonom i moli predsjednika Udruge „Eko-Turist“ Vareš da odgovori sa kim je Udruga sklopila ugovor za projekt „Izrada pripremne studije za proglašenje planine Zvijezde zaštićenim područjem“.

Josip Mlabašić predsjedavajući OV podsjetio je prisutne na Informaciju Udruge „Eko-Turist“ Vareš u kojoj je naveden problem i vezi Odbora za implementaciju LEAP-a koji je trebao da provodi aktivnosti, tj sam LEAP. Mišljenja je da bi se trebalo pristupiti rekonstrukciji spomenutog Odbora i da bi se ovoj problematici trebalo pristupiti na jedan suštinski način za razliku od dosadašnjeg, koji je bio birokratski i iz tih razloga predložio je da Općinski načelnik razmisli o određenim promjenama tj. rekonstrukciji Odbora za implementaciju LEAP-a. Iznio je svoj lični stav u vezi realizacije LEAP-a i odgovorio na inicijativu i prijedlog da se uputi nadležnim zahtjev za odgovor što je deponovano u objektu u Maloj Rijeci. Na sjednici OV od 26.03.2009. godine, Općinsko vijeće donijelo je takav Zaključak, ali još uvijek nije realiziran. Predsjedavajući OV ponovo je apelirao Općinskom načelniku da pristupi realizaciji spomenutog Zaključka.

Ivo Mutić predsjednik MZ Pogar podsjetio je prisutne na probleme MZ Pogar koji se odnose na: odvoz smeća, čišćenje divljih deponija, sječu šume i upoznao je prisutne da je Savjet MZ Pogar donio Odluku da se izvidi mogućnost u izradi Projekta za dovođenje vode u Mjesnu zajednicu Pogar sa izvorišta „Mrestilište“. Postavio je pitanje da li prostor MZ Pogar pripada dijelu planine Zvijezde koji će se proglasiti zaštitnim pejzažom.

Ivica Babić predsjednik MZ Strica-Zaruđe istakao je problem koji nastaje prilikom eksploatacije šume i problem divljih deponija. Sugerirše nadležnim općinskim Službama da u skladu sa zakonom riješe spomenute probleme.

Boško Andrić predsjednik Udruge „Eko-Turist“ Vareš iznio je svoje stavove i mišljenja u vezi realizacije LEAP-a i upoznao je prisutne da je u toku proces izbora koordinacionog odbora čiji će zadatak biti vođenje poslova između nevladinih organizacija i Općine Vareš ukoliko dođe do potpisivanja tog sporazuma.

Sadudin Numanović predsjednik SDA iznio je stavove i mišljenja u vezi realizacije LEAP-a i Projekta izrade potrebnih dokumenata za pokretanje Inicijative za proglašenje dijela planine Zvijezde zaštićenim pejzažom i potrebnim finansijskim sredstvima za realizaciju istih.

Milan Knežević zamjenik predsjedavajućeg OV iznio je svoje stavove i mišljenja u vezi problema realizacije LEAP-a. Smatra da se treba vidjeti, kad su u pitanju programi navedeni u LEAP-u, za koje su programe potrebna finansijska sredstva, a koji su to programi koji se mogu realizirati preko građana ili raznih udruženja građana.

Tihomir Pendić predsjednik MZ Duboštica iznio je neka svoja zapažanja i mišljenja u vezi problema sa smećem i čišćenja trotoara u zimskom periodu.

Mirko Vukančić predstavnik JKP d.o.o. Vareš u svojoj diskusiji skrenuo pažnju na problem u vezi gradske deponije i divljih deponija na području općine Vareš.

Hamdo Fatić općinski načelnik u svom izlaganju odgovorio na neka pitanja postavljena u raspravi i dao je objašnjenja u vezi projekata, problema koji se javljaju prilikom sječe šuma itd. Istakao je problem dva jezera u općini Vareš (jezero Veovača i jezero Smreka) i skrenuo pažnju da se stanje oko jezera mora pratiti i da je potrebno izvršiti stručnu rekultivaciju jezera. Naglasio je da je suglasan da se sprovedu sve aktivnosti oko proglašenja planine Zvijezde zaštićenim područjem, kao i ostalih kulturno-historijskih spomenika kod kojih je to moguće uraditi.

Predsjedavajući OV je nakon sprovedene rasprave i prijedloga iznesenih u raspravi predložio slijedeće

Zaključke:

1. Obavezuje se Općinski načelnik da izvrši rekonstrukciju Odbora za implementaciju LEAP-a na način da najmanje 2/3 članova budućeg Odbora za implementaciju LEAP-a čine osobe iz nevladinog sektora i ugledni građani i da poslije rekonstrukcije Odbora za implementaciju LEAP-a, Odbor uradi izmjenu rokova za implementaciju pojedinih projekata. Sa realizacijom ovog Zaključka upoznati Općinsko vijeće Vareš.
2. Odbor će aktivnosti na implementaciji LEAP-a provoditi na osnovu strateških smjernica iz Strategije razvoja općine Vareš sa posebnim akcentom na prioritetno, na promjenu shvaćanja stanovništva o značaju zaštite okoline i strateškom značaju vode i šume i njihovoj zaštiti.
3. Općinsko vijeće insistira da Općinski načelnik realizira Zaključak donesen na sjednici OV održanoj 26.03.2009. godine, i zatraži pismeno očitovanje o objektu, odnosno o tome što je locirano u objekat u Maloj Rijeci.

Nije bili primjedbi na predložene Zaključke.

Predsjedavajući OV dao je Zaključke na usvajanje.

Nakon izjašnjavanja vijećnika predsjedavajući OV konstatira da su predloženi Zaključci **jednoglasno usvojeni**.

Sjednica je završena u 15 sati i 40 minuta.

T A J N I K

Leon Pavlović

**PREDSJEDAVAJUĆI
OPĆINSKOG VIJEĆA**

Josip Malbašić

ZAPISNIČAR

Azra Ibrahimović